

Hamd

(Beautiful Names of Allah swt)

Bismillahir Rahmanir Raheem

Allah Hai Naam jis'ka, *Khaaliq* meraa Wahi Hai
Khallaaqe kul Wahee Hai, meraa Wahi Wali Hai

Pyaarey Hain Naam Rabb kay, Qur'an ka bayaa(n) Hai
Mujh'ko Pukaaro Un'Say Huk'may Jalee Yehi Hai
(Ref: *Al Qur'an* 7:180)

Nin'naan'wey Hai(n)Asmaa paakeeza pyaarey pyaarey
Woh bey-niyaaz bhi hai aur Kibriyaa Wahi Hai

Hai *Al Hameed* Bay'shak, Ta'reef Sab Usi ki
Aa'laa Hai Zaat Jiski, Maula Mera Wahi Hai

Shams O Qamar Usi Kay, Maalike *Mulk* Hai Woh
Maalik Hai Yao'may Dee(n) Ka, Sab Ka *Walii* wahi Hai

Woh *Zul'Jalal* wa *Ikraam* yeh khoob naam Uska
Hai naam Al Aw'wal aur, *Al Aakhir* Wahi Hai

Hai Laa Shareek *Allah*, Saani nahi(n) Hai Uska
Ek naam Al Waahid, Eimaan tow yehi Hai

Saathi Hai Who Hamaaraa Har Lam'ha Zindagi mein
Ek naam Az Zaahir aur, *Al Baatin* Wahi Hai

Hai *Al Mujeeb* Bay-shak, Us'ki Yeh Meher'baani
Jab Bhi Pukaara Usko, Mushkil Meri Ta'lee Hai

Naam uska al Khaali, Maalik Hai dow- Jahaan Ka,
We naam Al Muhee Hai, Uski hi Ban'dagee Hai

Hai *Al Mu'eed* Allah, Sab Kibri'aai Us'ki
Khil'qat Haseen uski, *Al Baaree* Wahi Hai

Al Mughni Hai who yaqeenan, bey-had kareem bhi hai
Jo Chah'tey Ho maa(n)go, bayshak who *Al Ghani* Hai

Hai Naam *Al-Muha'min* Dey'taa Amaan Sabko
Ek naam *Al Mu'min*, Gham'khaar Tow Wahi Hai

*Ek naam Al Muzill Hai, Uski yeh marzee hai
Izzat hamey who deytai, Al Muizz wahi hai Wahi Hai*

*Hai naam Al Naafi', Woh Bay'hisaab Dayta
Al Maani Naam Jis Ka, Maula mera Wahi Hai*

*Who As Saboor bhi Hai, Pya'raa Yeh Naam Us Ka
At Tawwaab naam uska, Kareem tow Wahi Hai*

*Ek naam Al Qaadir , Qab-zey mein hai Khudaaee
Al Jamey' naam rakh-taa, Uaski pahoonch ba(d)ee hai*

*Ek Naam Al Qawee Hai, Yaktaa hai zaat Us-Key
Bakh'shi Usi Nay Bay'shak Sooraj Ko Rowsh'ni Hai*

*Arz O Samaa ka Maalik, sab ney-matay(n) usee ki
Hai kufr na umeedee, Maula bada Ghaneer hai*

*Ek naam Al Baqee, aur Al Badee wahi hai
Hai ArRaqeeb bhi who, ek naam Al Hai-ee hai*

*Al Qayyoom naam uska, Maujood hai Azal sey
Al Muhee naam uska, al Mumeet bhi wahi hai*

*Who Al Azeem bhi hai, Alaa hai zaat uski
Hai Al majeed Maula, aur paak tow wahee hai*

*Haqq Ka Payaam Dey Kar, Bhay'jaa Nabi-e-Aakhir
Laazim Hai Jiski Taa'at , hukmey Jalee Yehi Hai*

*Al Haqq hai naam uska, who Al Azeem bhi Hai
Ek naam Al Khaaliq, Ghaalib-e-Kul wahi hai*

*Aye'bo(n) Ko Hai Chhu'paata, Tawba Qubool Karta
As Sattaar naam rakh-taa, who Al Ghafoor Bhi Hai*

*Maalik Hai Dow Jahan Ka, Sab Naimatain Usi'ki
Hai Kufr Na-Umeedi, Maula mera Dhani Hai*

*Hai Who Ba'dee O Baaqi, Qay'yum Naam Us Ka
Qaa'em Hai Who Azal Sey, Maula mera Ha'ee Hai*

Ek Naam, *Al Muqaddim*,, Mushkil woh dur kartaa
Bay-shak Hai *Al mu'akh'khir*, ek Naam *Al Walee* Hai

Ek Naam *As Samad* bhi, who bey-niyaaz bhi hai
Ek naam *Al Waalee*, Maalike kul Wahi Hai

Hai *Al Mateen* Allah, deytai hamey(n) saharaa
Hai *Al Kabeer* bhi aur, deytai jazaa wahi hai

Hai *Al Wakeel* Allah, Mushkil Kushaa wahi hai
Deytaa hai Rizq sabko, *Ar Razzaaq* tow wahi hai

Hai naam *Al Fattah*, Uqdow(n) ko khol-taa hai
Maalik hai naimato(n) ka, bayshak who *Al Ghanee* hai

Ek naam *Al Baasit*, hai neymato(n) ka Maalik
Ek Naam *Al Khaafid*, kartaa Zaleel bhi Hai

Maut O Hayaat Dae'taa, Aur Maar Kar jilaataa
Mumeet Naam Us-Ka, Ek Naam Bhi *Muhee* Hai

Ek naam *Al Waasey*, uski pahunch badi hai
Who *Ar Raheem* bhi hai, Khaaliq tow bas wahi ha

Al Jab'baar Bhi Wahi Hai, *Al Qah'haar* Naam Us'ka
Hai *Al Hakeem* Maulaa, Rabbey Jahaa(n)Wahi Hai

Hikmat Sey Us'nay Apni, Saaraa Jahaan Banaaya
Bay misl ilm uskaa, *Al Hakeem* tow wahi Hai

Al Qud'doos Naam Us'ka, aur Paak Zaat Us'ki
Jis'ko woh Paak Kar Dey, Paakiza Bas Wohi Hai

Ar Rah'maan mera Maula, Sab kuchh usi sey mil-taa
Hai *Al Jaleel* Maulaa, Jameel bhi Wahi Hai

Who *Al Lateef* bhi hai, Us'ki hai Meher'baani
Hai *Ash Shaheed* Allah, aur *Al Khabeer* Bhi Hai

Naam uskaa *As Samey'* hai, dil ki pukaar sun-taa
Who *Al Baseee* bhi hai, aur Raazdaa(n) wahi hai

Naam Uskaa *Al Afuww* bhi, bakh-shey woh gunaaho(n) kow
Us-say rujoo karo tum, *Ghafoor* bhi Wahi Hai

Who *Al Wadood* bhi hai, Khilqat say Pyaar Kartaa
Hai *ArRa'oof* Maulaa, Waarith-e Dee(n) Wahi Hai

Sattaar naam uskaa, Ai-bo(n) ko hai chhu-paata
Hai *Al Aleem* Allah, who *Al Khabeer* bhi Hai

Ek naam *Al Waajid*, aur woh Khabeer bhi Hai
Shayh-rag Say Bhi Qa'ree(n)-tar, Ham'raaz bhi Wahi Hai

Naam Us'ka *Al Maajid*, who Saahibe Izzat Hai
Waajib hai hampey Saj'daah, Huk'mey Ilaah yehi Hai

Bhooley Ko Raah dikha-taa, Bhat'kay Ko Raah pey laata
Day'taa Hai woh Hidaayat, *Al Haadee* Wahee Hai

Hai *Al Mute-aali*, Aalaa hai Zaat Us'ki
Maalik Jazaa Sazaa Ka, Maali-kay Kul Wahi Hai

Insaaf Ka hai Haami, *Al Adl* naam Us'ka
Allah say darow tum, Dayta Sazaa Kadi Hai

Hai khoobiyo(n) ka Maalik, *Al Barr* hai naam Uska
Aur *As Salaam* bhi hai, daytaa amaa(n) Wahi Hai

Woh Maarta Jilaata, *Al Baaith* Naam Us'ka
Ek naam *Ar Raafi*, woh tow badaa Ghanee Hai

Hai *Al Mutakabbir* woh, *Al Jabbaar* Naam Us'ka
Hai Naam *Al Hakam* aur, *Ash Shakoore* bhi Wahi Hai

Al Muq'tadir Wohi Hai, Aa'laa yeh Naam Us'ka
Woh *Al Haseeb* Bay'shak, Ghaalibey Kul Wahi Hai

Ek naam *Al Muh'si*, Maalik hai Nae'mato(n) ka
Who *Al Mu'qet* Bhi Hai, Razzaaq tow wahi Hai

Al Muq'sit naam uskaa, Munsif bhi Wahi Hai
Nay'kee kay Bad'lay Nay'kee, daytaa hamay Wohi hai

Hai Naam *Al Musaw'wir*, khil-qat haseen uski
Takh'leeqey Gul O Boo Ka Mae'maar Tow Wahi Hai

Maalikey Khushk O Tar woh, *Al Qaabid* naam uska
Us-say khushoo Karo Tum, *Ad Daar* bhi wahi Hai

Woh *Al Hafeez* Bay'shak, Haafiz Hai Who Hamaaraa
Al Mun'ta'qim Hai bay-shak, *Mu'qeet bhi wohi* hai

Who *Ar Rasheed* bhi hai, Aa'laa Hain Naam jis'kay
In May Bhi Aur Aa'laa, ek Naam *Al A'liy'* Hai

Hai Paak *Noor* Us'ka, *An Noor* tow wahi Hai
Us' Noor Hi Say Bay'shak, Nas'lay Nabi Cha'lee Hai

Ek naam *Al Malik* bhi, Maalik woh Sitaa'ron Ka
Arz O Samaa usi-kay, *Al Wah'haab* Tow Wahi Hai

Yeh Kai-naat uski, *Al Mulk* naam uska
Ek naam *Al Mub-dee*, Maulaa mera wahi Hai

Ek Kai'f Saa Taaree Hai, Is Hamd Kay Asar Say
Kuchh Aur Pilaa-dey Saqee, Ni'yat Nahee(n) Bhar-ee Hai

Too Ap'nay Guna'ho(n) Pay, *Saabiq* Hai Kyon Pari'shaa(n)
Too Hai Ghulaam Us'ka, Jo Rabb Bada *Sa'khee* Hai

-----*(the End)*-----

Syed H. Akhtar, *Saabiq*
Austin, Texas.
3-21-2007

